

《法華與淨土》之雙修雙照——《功德篇》（四）

◎將述此義，大科分六：

甲一、信解篇

甲二、觀照篇

甲三、發願篇

甲四、功德篇

甲五、念佛篇

甲六、往生篇

甲四、功德篇 分三：一、因位功德。二、果位功德。三、結示勸修。

乙一、因位功德 分二：一、名字位。二、觀行位。

丙一、名字位 分四：一、自往聽法。二、分座與人。三、勸往聽經。四、具聽修行。

丁一、自往聽法

又阿逸多！若人為是經故，往詣僧坊，若坐若立，須臾聽受；緣是功德，轉身所生，得好上妙象、馬，車乘、珍寶輦輿，及乘天宮。

丁二、分座與人

若復有人於講法處坐，更有人來，勸令坐聽，若分座令坐；是人功德，轉身得帝釋坐處，若梵王坐處，若轉輪聖王所坐之處。

丁三、勸往聽經

阿逸多！若復有人，語餘人言，有經名法華，可共往聽；即受其教，乃至須臾間聞。是人功德，轉身得與陀羅尼菩薩共生一處，利根智慧。百千萬世，終不瘖啞；口氣不臭，舌常無病，口亦無病，齒不垢黑、不黃不疏，亦不缺落，不差曲，唇不下垂，亦不褰縮、不麤澀、不瘡疹，亦不缺壞，亦不髑斜，不厚不大，亦不鰲黑，無諸可惡。鼻不匾匱，亦不曲戾，面色不黑，亦不狹長，亦不窵曲，無有一切不可喜相。唇舌牙齒，悉皆

嚴好，鼻修高直，面貌圓滿，眉高而長，額廣平正，人相具足，世世所生，見佛聞法，信受教誨。

一、標示行法

阿逸多！若復有人，語餘人言，有經名法華，可共往聽；即受其教，乃至須臾間聞。

一、諸善聚會

是人功德，轉身得與陀羅尼菩薩共生一處。

二、智慧功德

利根智慧。

一、聲相莊嚴

百千萬世，終不瘖啞。

二、口相莊嚴

口氣不臭，舌常無病，口亦無病，

齒不垢黑、不黃不疏，亦不缺落，

不差曲，唇不下垂，亦不褰縮、

不麤澀、不瘡胗，亦不缺壞，亦不

二、別明功德

三、福德莊嚴

尚斜，不厚不大，亦不鰲黑，無諸可惡。

三、鼻相莊嚴

鼻不匾匱，亦不曲戾。

四、面相莊嚴

面色不黑，亦不狹長，亦不窳曲，無有一切不可喜相。

五、身相莊嚴

唇舌牙齒，悉皆嚴好，鼻修高直，面貌圓滿，眉高而長，額廣平正，人相具足。

三、結歎善根

——世世所生，見佛聞法，信受教誨。

丁四、具聽修行

阿逸多！汝且觀是勸於一人令往聽法，功德如此，何況一心聽說讀誦，而於大眾為人分別如說修行。

丙二、觀行位 分二：佛世——一念信解。二、滅後——隨喜讀誦。


丁一、一念信解

戊一、出示相貌

爾時，佛告彌勒菩薩摩訶薩：阿逸多！其有眾生，聞佛壽命長遠如是，乃至能生一念信解，所得功德，無有限量。

釋義

一念信解



戊二、顯示功德


若有善男子、善女人，為阿耨多羅三藐三菩提故，於八十萬億那由他劫，行五波羅蜜：檀波羅蜜、尸羅波羅蜜、羼提波羅蜜、毘梨耶波羅蜜、禪波羅蜜，除般若波羅蜜，以是功德比前功德，百分、千分、百千萬億分不及其一，乃至算數譬喻所不能知。

戊三、位行不退

若善男子、善女人，有如是功德，於阿耨多羅三藐三菩提退者，無有是處。

釋義

位行不退



丁二、隨喜讀誦

又復如來滅後，若聞是經而不毀訾，起隨喜心，當知己為深信解相；何況讀誦受持之者，斯人則為頂戴如來。

阿逸多！是善男子、善女人，不須為我復起塔寺，及作僧坊、以四事供養眾僧。所以者何？是善男子、善女人，受持讀誦是經典者，為已起塔、造立僧坊、供養眾僧。則為以佛舍利起七寶塔，高廣漸小至於梵天，懸諸幡蓋及眾寶鈴，華、香、瓔珞，末香、塗香、燒香、眾鼓伎樂，簫笛、箜篌，種種舞戲，以妙音聲，歌唄讚頌，則為於無量千萬億劫，作是供養已。

——《分別功德品》——

「不須為我復起塔寺」等者——初心
 恐被事緣紛動
 妨修正業
 故也！

則為以佛舍利」等者——指此「經文」
 所詮之「理」——即是「法身」全身舍利
 能詮之「文」——不異「七寶高廣妙塔」
 能所「和合不二」——亦是「第一義僧」

故直專持此經——即為「廣大供養」
 廢事從理
 所益宏多

若至「後心」，理觀既熟
 「涉外」——不妨「內觀」
 「事」資於「道」
 如
 油多火猛
 順流揚帆

乙二、果位功德 分二：一、六根清淨。二、法身妙用。

丙一、六根清淨

丁一、眼根清淨

是善男子、善女人，父母所生清淨肉眼，見於三千大千世界，內外所有山林河海，下至阿鼻地獄，上至有頂，亦見其中一切眾生及業因緣果報生處，悉見悉知。

釋義

眼根清淨

今明父母所生肉眼——見於大千內外上下，並非他教所詮

當知即是「圓融肉眼」

一眼——一切眼
祇於肉眼——而具五眼之用

見大千——即「天眼」用

見業因緣果報——即「法眼」用

清淨故無見思惑——即「慧眼」用

清淨故伏無明惑——即「佛眼」用

大經云

雖是肉眼——名為「佛眼」
即佛眼故——名為「清淨」

丁二、意根清淨

復次常精進！若善男子、善女人，如來滅後，受持是經，若讀，若誦，若解說，若書寫，得千二百意功德。

以是清淨意根，乃至聞一偈一句，通達無量無邊之義，解是義已，能演說一句一偈，至於一月、四月，乃至一歲，諸所說法，隨其義趣，皆與實相不相違背。若說俗間經書、治世語言、資生業等，皆順正法。三千大千世界六趣眾生，心之所行，心所動作，心所戲論，皆悉知之，雖未得無漏智慧，而其意根清淨如此。是人有所思惟，籌量言說，皆是佛法，無不真實，亦是先佛經中所說。

——《法華會義》——

——《法師功德品》——

釋義

意根清淨

意根清淨——「一時圓明」



——《法華會義》——

丙二、法身妙用 分二：一、大智。二、大悲。

丁一、大智——「妙音菩薩」

戊一、放光東照


爾時，釋迦牟尼佛放大人相肉髻光明，及放眉間白毫相光，遍照東方百八萬億那由他恆河沙等諸佛世界。

過是數已，有世界名淨光莊嚴，其國有佛，號淨華宿王智如來、應供、正遍知、明行足、善逝、世間解、無上士、調御丈夫、天人師、佛、世尊，為無量無邊菩薩大眾，恭敬圍繞，而為說法。

釋迦牟尼佛白毫光明，遍照其國。

釋義

放光東照



戊二、奉命西來

己一、經家敘德

爾時，一切淨光莊嚴國中，有一菩薩，名曰妙音，久已植眾德本，供養親近無量百千萬億諸佛，而悉成就甚深智慧，得妙幢相三昧、法華三昧、淨德三昧、宿王戲三昧、無緣三昧、智印三昧、解一切眾生語言三昧、集一切功德三昧、清淨三昧、神通遊戲三昧、慧炬三昧、莊嚴王三昧、淨光明三昧、淨藏三昧、不共三昧、日旋三昧，得如是等百千萬億恆河沙等諸大三昧。

十六種三昧

總相

「妙幢相三昧」——斷——實相妙體，高顯無上。
 「法華三昧」——證——因果不二，權實不二。

「淨德三昧」——真——離三惑垢，證本性淨。

「宿王戲三昧」——俗——權智照機，盈虧巧現。

「無緣三昧」——悲——平等大悲，不緣諸法。

「智印三昧」——智——一心三智，印一切法。


「解一切眾生語言三昧」——聞——十界語言，善能通達。

「集一切功德三昧」——修——住一三昧，萬德悉入。

「清淨三昧」——體——六根清淨，互用自在。

「神通遊戲三昧」——用——自在化物，遊諸世間。

別相



己二、被照辭佛

釋迦牟尼佛光照其身，即白淨華宿王智佛言：

世尊！我當往詣娑婆世界，禮拜親近供養釋迦牟尼佛，及見文殊師利法王子菩薩、藥王菩薩、勇施菩薩、宿王華菩薩、上行意菩薩、莊嚴王菩薩、藥上菩薩。

己三、妙音現瑞

於是妙音菩薩不起於座，身不動搖，而入三昧。以三昧力，於耆闍崛山，去法座不遠，化作八萬四千眾寶蓮華，閻浮檀金為莖，白銀為葉，金剛為鬚，甄叔迦寶以為其臺。

己四、眷屬經歷

於時，妙音菩薩於彼國沒，與八萬四千菩薩，俱共發來。所經諸國，六種震動，皆悉雨於七寶蓮華，百千天樂，不鼓自鳴。

眷屬依報莊嚴

昔奉寶鉢——今得菩薩法器相隨
昔奉音樂——今得天樂相隨也

——《法華會義》——

己五、敘相登台

是菩薩目如廣大青蓮華葉，正使和合百千萬月，其面貌端正，復過於此。身真金色，無量百千功德莊嚴，威德熾盛，光明照曜，諸相具足，如那羅延堅固之身。入七寶臺，上升虛空，去地七多羅樹，諸菩薩眾恭敬圍繞，而來詣此娑婆世界耆闍崛山。

戊三、十方弘經

己一、問答善根功德

庚一、華德疑問

爾時，華德菩薩白佛言：

世尊！是妙音菩薩，種何善根，修何功德，有是神力？

庚二、如來垂答

辛一、功德莊嚴

佛告華德菩薩：

過去有佛，名雲雷音王，多陀阿伽度阿羅訶三藐三佛陀，國名現一切世間，劫名喜見。妙音菩薩於萬二千歲，以十萬種伎樂，供養雲雷音王佛，並奉上八萬四千七寶鉢。以是因緣果報，今生淨華宿王智佛國，有是神力。

華德！於汝意云何？

爾時，雲雷音王佛所，妙音菩薩伎樂供養，奉上寶器者，豈異人乎？今此妙音菩薩摩訶薩是。

辛二、智慧善根

華德！是妙音菩薩，已曾供養親近無量諸佛，久植德本，又值恆河沙等百千萬億那由他佛。

己二、廣明神力應化

華德！汝但見妙音菩薩其身在此，而是菩薩現種種身，處處為諸眾生說是經

典，或現梵王身，或現帝釋身，或現自在天身，或現大自在天身，或現天大將軍身，或現毘沙門天王身，或現轉輪聖王身，或現諸小王身，或現長者身，或現居士身，或現宰官身，或現婆羅門身，或現比丘、比丘尼、優婆塞、優婆夷身，或現長者居士婦女身，或現宰官婦女身，或現婆羅門婦女身，或現童男童女身，或現天龍、夜叉、乾闥婆、阿修羅、迦樓羅、緊那羅、摩睺羅伽、人非人等身，而說是經。諸有地獄、餓鬼、畜生，及眾難處，皆能救濟，乃至於王後宮，變為女身，而說是經。

華德！是妙音菩薩，能救護娑婆世界諸眾生者，是妙音菩薩如是種種變化現身，在此娑婆國土，為諸眾生說是經典，於神通變化智慧無所損減。是菩薩以若干智慧，明照娑婆世界，令一切眾生，各得所知。

釋義

總標

華德！汝但見妙音菩薩其身在此，而是菩薩現種種身，處處為諸眾生說是經典。

現諸天身

或現梵王身，或現帝釋身，或現自在天身，或現大自在天身，或現天大將軍身，或現毘沙門天王身。

現人道身

或現轉輪聖王身，或現諸小王身，或現長者身，或現居士身，或現宰官身，或現婆羅門身，或現比丘、比丘尼、優婆塞、優婆夷身，或現長者居士婦女身，或現宰官婦女身，或現婆羅門婦女身，或現童男童女身。

別明

現八部鬼神身

或現天龍、夜叉、乾闥婆、阿修羅、迦樓羅、緊那羅、摩睺羅伽、人非人等身，而說是經。

現惡趣身

諸有地獄、餓鬼、畜生，及眾難處，皆能救濟。


現宮女身

乃至於王後宮，變為女身，而說是經。

結示

華德！是妙音菩薩，能救護娑婆世界諸眾生者，是妙音菩薩如是種種變化現身，在此娑婆國土，為諸眾生說是經典，於神通變化智慧無所損減。是菩薩以若干智慧，明照娑婆世界，令一切眾生，各得所知。

十方現身



——《法華會義》——

己三、結示住何三昧

庚一、問

爾時，華德菩薩白佛言：

世尊！是妙音菩薩深種善根。

世尊！是菩薩住何三昧，而能如是在所變現，度脫眾生？

庚二、答

佛告華德菩薩：

善男子！其三昧名現一切色身，妙音菩薩住是三昧中，能如是饒益無量眾生。

丁二、大悲——「觀世音菩薩」

戊一、問答顯德

己一、問

爾時，無盡意菩薩即從座起，偏袒右肩，合掌向佛，而作是言：
世尊！觀世音菩薩，以何因緣，名觀世音？

己二、答


庚一、總答

佛告無盡意菩薩：

善男子！若有無量百千萬億眾生，受諸苦惱，聞是觀世音菩薩，一心稱名，
觀世音菩薩即時觀其音聲，皆得解脫。

釋義

觀音菩薩救拔苦難之感應



——糅合《法華會義》——

庚二、別答

辛一、約口業機明應

壬一、免除災難

癸一、火難

若有持是觀世音菩薩名者，設入大火，火不能燒，由是菩薩威神力故。

癸二、水難

若為大水所漂，稱其名號，即得淺處。

癸三、惡鬼難


若三千大千國土，滿中夜叉、羅刹，欲來惱人，聞其稱觀世音菩薩名者，是諸惡鬼尚不能以惡眼視之，況復加害。

壬二、結歎功德

無盡意！觀世音菩薩摩訶薩，威神之力，巍巍如是。

釋義

普門示現



——糅合《法華會義》——

辛三、約身業機明應

壬一、成就二求


若有女人，設欲求男，禮拜供養觀世音菩薩，便生福德智慧之男；設欲求女，便生端正有相之女。宿植德本，眾人愛敬。

壬二、結歎功德


無盡意！觀世音菩薩有如是力！若有眾生，恭敬禮拜觀世音菩薩，福不唐捐。

觀音法門之感應與修行

(一) 總標「感應道交」



(二) 別明「理觀事修」



戊二、結勸持名

己一、勸持

是故眾生，皆應受持觀世音菩薩名號。

己二、結歎

無盡意！受持觀世音菩薩名號，得如是無量無邊福德之利。

——《觀世音菩薩普門品》——


釋義

持名妙法

上說「觀音」得名因緣——其力廣大

既不辨形質——但是「述名論德」

若欲歸崇，宜「受持名號」——故結勸持名也



——《法華會義》——


乙三、結示勸修

丙一、結要付囑

以要言之，如來一切所有之法，如來一切自在神力，如來一切秘要之藏，如來一切甚深之事，皆於此經宣示顯說。

釋義

總結妙法



——《法華會義》——

丙二、勸持付囑


是故汝等於如來滅後，應一心受持、讀誦、解說、書寫，如說修行。所在國土，若有受持、讀誦、解說、書寫，如說修行，若經卷所住之處，若於園中，若

於林中，若於樹下，若於僧坊，若白衣舍，若在殿堂，若山谷曠野，是中皆應起塔供養。所以者何？當知是處，即是道場。諸佛於此，得阿耨多羅三藐三菩提；諸佛於此，轉於法輪；諸佛於此，而般涅槃。

——《如來神力品》——


釋義

妙法即道場



——《法華會義》——

丙三、修學法要



願以此功德
莊嚴佛淨土
上報四重恩
下濟三途苦
若有見聞者
悉發菩提心
盡此一報身
同生極樂國

《法華與淨土之雙修雙照》-功德篇(四)

敬輯者：妙法蓮心學院
導師 釋淨界

電話：0983-993033

供養^上淨^下界法師帳號
台灣本地匯款

安泰銀行 中和分行 戶名：丘崇禧
帳號：016-22-028333000

